

Perhebat memudahkan usahawan peroleh bantuan kewangan

UB 28.2.2018 A2

Oleh SURAIDAH ROSLAN

KOTA KINABALU: Menceburi bidang pertanian selama hampir 15 tahun bukan jaminan untuk Chin Yun Loong @Lawrence Akau, 64, memperoleh pinjaman kewangan dengan mudah.

Namun berkat bantuan daripada Perbadanan Hal Ehwal Bekas Angkatan Tentera (Perhebat), veteran tentera yang besara pada usia 30 tahun ini berjaya memperoleh pinjaman daripada Tabung Ekonomi Kumpulan Usaha Niaga (Tekun).

Malah, beliau juga mula menjalin rangkaian kerjasama dengan rakan peniaga lain termasuk peniaga lain yang akan membantu menjual buah durian yang diusahakan di ladang miliknya.

Beliau berkata Perhebat dilihat sebagai kumpulan sokongan yang banyak membantu veteran dan pesara tentera untuk mengembangkan lagi perniagaan masing-masing.

Ikon Usahawan Pertanian Perhebat itu berkata usaha Perhebat membantu veteran



CHIN (kanan) menerima anugerah Ikon Usahawan Pertanian Perhebat disampaikan oleh Ketua Menteri Tan Sri Musa Haji Aman, turut kelihatan Naib Canselor UMS Prof Datuk Dr D Kamarudin D Mudin (tengah). (Gambar kanan) Honekil yang dinobatkan sebagai Ikon Usahawan Pelancongan dan Pertanian Perhebat.

tentera yang berkhidmat kepada negara suatu ketika dahulu amat dihargai.

Leftenan TLDM yang bertugas kali terakhirnya dalam pasukan penyelam Wilayah 2 ini amat menghargai bantuan yang disumbangkan melalui Perhebat dalam membantu mengembangkan lagi hasil pertaniannya.

Veteran tentera yang berasal dari Penampang itu mengusahakan ladang durian seluas lima ekar yang merangkumi lima jenis durian termasuk musang king dan dahit.

Turut menghargai bantuan yang diberi melalui Perhebat adalah Honekil @Zalee Betong, 48.

Ikon Usahawan Pelancongan dan Pertanian Perhebat itu melihat Perhebat lebih banyak membantu veteran tentera memperoleh bantuan kewangan.

Veteran yang menamatkan khidmat terakhir sebagai pegawai pemerintah di Kem Lok Kawi itu mengusahakan inap desa dan ladang sayuran

tanah tinggi di Kundasang.

Pemilik kepada Fan Homestay itu berkata program kerjasama Perhebat dan Universiti Malaysia Sabah (UMS) berkenaan memberi manfaat kepada veteran dan pesara tentera untuk menimba lebih banyak ilmu dalam mengembangkan perniagaan.

Program sebegini juga dilihat akan membantu bakal pesara membuat persediaan awal untuk bersara kelak.

Ilmu dan latihan kemahiran yang diberikan sudah pasti membolehkan mereka mudah mengusahakan perniagaan sendiri mahupun memperoleh pekerjaan di tempat lain.

